

胡文忠公遺集

胡文忠公遺集卷三十三

長沙鄭敦謹

編輯

湘鄉曾國荃

遵

旨覆奏征皖孤軍未可深入疏

九年四

月十七日督發

咸豐九年四月初三日準軍機大臣字寄三月二十

七日奉

上諭勝保奏通籌剿賊大局宜合力並

舉並繪圖呈覽一摺所稱以皖軍會搗六合楚師由
西面力攻舒桐安慶使撤回逆援合力痛剿則浦口
後路自易肅清可以合圍金陵設逆仍集東南不復

西救則楚軍乘勢進逼亦可長驅直下此時應以皖軍會剿東南楚軍力攻皖北爲上策等語前據胡林翼奏稱皖楚之要以黃州爲適中保楚乃能謀皖地勢賊情非分三路並力進剿必難成功官文亦謂胡林翼不宜入皖前敵不宜添兵該大臣等督兵剿賊係共辦一事惟在相度地勢體察賊情乘機進取以收師克在和之效胡林翼駐紮黃州數月以來諒已布置周妥楚師有多隆阿爲前敵節節進剿而孤軍未可深入會否派兵爲其後路現在皖北賊匪麇集亟待楚師水陸分攻舒桐廬州安慶以分賊勢勝保

翁同書亦應督飭各軍合力會剿不得專恃鄰省官
文前因湖南桂陽等縣被匪竄陷調水師馬隊馳往
援剿此項援軍俟湖南軍務稍平亦可撤回並力赴
皖使皖北之賊有所顧忌不致肆意蔓延庶於大局
有裨勝保兵力尙不爲少務須南北兼籌互相策應
上年李續賓一軍爲百戰勁旅竟以深入無援坐失
名將全軍潰敗殊堪惋惜今議會剿之舉勝保當先
與官文胡林翼審酌機宜固不可畫疆自守亦不可
輕進貪功務須計出萬全以冀膚功早奏將此由六
百里各諭令知之等因欽此

臣等仰承

謨訓指

示周詳欽感難名楚軍入院者多隆阿鮑超等已逼近太湖計馬步已九千餘人道員唐訓方蔣凝學等率七千人進駐太湖迤南之荆橋爲多隆阿後路援應地當安慶石牌之衝防賊匪之斜出以繞越太湖縣城之後也其畱防陳德園之軍則以參將阿達春同知歐陽正墉領之計二千五百人以彌縫太湖之關其分進英山一路者爲參將余際昌之二千人通計入院之師已逾二萬餘人其分駐羅田麻城等處則不過千人五百人耳太湖之城從龍山官二水夾流環城如帶春夏水長溝澮皆滿馬步未能馳驟自

如多隆阿呈報二月十七日探賊目偽亮天燕偽承
天侯等帶賊三千在蠟樹柯茶婆嶺擄糧製藥運往
太湖十八日帶隊馳往賊眠未起我軍抄殺過半餘
賊奔過河東天明仍率馬步過河追剿黃泥港之賊
四面抄擊射斃賊目偽承天侯一名殲斃羣賊甚眾
該逆所擄之糧全行燒燬又三月二十五日探聞太
湖東門外河東賊壘突出千餘人繞至龍山宮直奔
六安當率馬步飛馳迎剿斃賊數名賊卽挫敗晁水
過河我軍跟蹤追殺百餘名因河水阻深未及窮追
兩次隨機雕剿以奪賊糧而仰攻未能城池未復以

地勢賊情而論必非近月所能奏功水師圍攻安慶亦必待太湖東流潛山及安慶之石牌克復乃可馬步並力於安慶又前因小池口防守空虛分兵代守會國藩近於湖口要地添派知府屈蟠一千人而南岸東流縣城爲水師餉道所必經復由鄂省酌調參將黃澤遠前往城守此東路布置之情形也黃州六千餘人訓練已成原可及時東下以踐三路進剿之議惟始因商固告警恐賊從六安霍山繞出漢陽德安黃州之閒又因湖南永州八屬遍地皆賊而勢且侵及衡州寶慶之邊邑先後撥去水師四營陸師四

營馬隊二百名南撫臣駱秉章念鄂城之空虛復將
漢軍文生李雲麟一營調回鄂城湘省賊勢方熾備
多力分且虞滋蔓設衡寶兵力不敷則岳鄂鼎澧同
時震動將有防不勝防之患矣現於麻城黃州抽撥
二千人回防武昌並於下游潯皖江面再調水師二
營回防岳州此又南路布置之情形也勝保前奏尙
未悉湖南近月情形而不知鄂省南路空虛長江天
險勢若建瓴設使賊於湖南逞志則由南路而拊鄂
之背由西路而窺蜀之藩後患方大兵事轉恐棘手
征皖之師孤軍未可深入誠如
聖諭必當計出

萬全應俟湖南軍務稍定方可並力皖省所有遵

旨復奏緣由謹合詞恭摺具奏

再臣胡林翼經從軍志在討賊其必不能入皖之
故則以楚北供應東征水陸軍餉歲需數百萬兩錢
漕爲巡撫衙門專政連年整飭稍資補助所設釐金
總局分局數十處頭緒繁多費無旁貸且隨時體察
募立新營汰弱留強使東下各軍銳氣常新現在楚
境鄰氛四逼前此尙祇策應皖江南北兩岸近日情
形湖南震驚更須兼慮南路自應仍紮黃州以爲各
路根本荊州將軍都興阿上年圍攻安慶賊勢漸蹙

因三河失事孤軍無援經臣官文奏請撤圍以期

保全軍旅其時該將軍已隱然有李光弼韃刀自誓之志勤勞之過憂憤成疾則其義烈本於天性也水師提督楊載福智勇兼備性氣亦甚剛嚴該將軍提督之威望已隆必非他人所能指揮且忠勇素著日夜以殺賊爲心亦不煩他人之督責也他如多隆阿鮑超之驍勇冠軍李續宜唐訓方之質實不欺臣等共事最久誠信相孚必可得其心力設異日出省遠勦驟歸他人節制恐心志不能齊一性情未必相投且楚師除馬隊外水陸各軍皆係南勇皖軍則川兵

川勇實居大半近更收錄投誠之眾鄉土不同人心互異若與楚師合併軍情必多疑忌於事未必有益不若各勦各路以專責成庶兩軍不起猜嫌而大局仍不分畛域應請嗣後楚軍無論入皖界入江南境其糧餉軍火及調度機宜均歸臣官文及臣胡林翼一手經理實因相處日久深悉將士之心較歸各省大臣節制呼應得靈也至逆首久踞金陵原宜併力東征成四面合圍之勢惟皖中全境糜爛實難躡等而趨去歲三河之挫因李續賓忠勇奮發思欲一舉成功銳進分兵遠規廬郡遂罹前禍是舍近而求遠

欲速而反遲可爲炯戒查安慶爲長江上下之關鍵
舒桐宿太爲江楚之通衢而東流蕪湖東西梁山太
平采石逶迤大江南岸在在皆有賊蹤使未能節節
掃除卽令迅克金陵亦慮蔓延江浙後患尙不可知
竊計規復金陵必須先清皖省欲清皖省必須先清
沿江上下若能以馬步輔翼水師由宿太舒桐攻克
安慶步步爲營次第下擊力扼大江則金陵之接濟
可斷勢將不攻自克廬州離江旣遠又不與楚境毗
連若由六安進攻陸路運餉綦難又係孤軍深入現
派參將余際昌等紮營於英霍之間止能爲六安後

路聲援未可麾兵前進勝保一軍尙不爲單現在應
援浦口一路如能得手自當以全力圖復廬州廓清
北境近規懷鳳遠固淮徐然後專注東南楚軍亦沿
大江而進曾國藩既定豫章可由皖南而進水陸並
下三路分馳必可埽穴擒渠以安全局現在楚軍已
進太湖英山俟湖南分援馬步水陸撤回便擬力圖
進取謹將臣等管見所及通籌布置情形合詞據實
附片密陳伏乞 皇上鑒察

硃批覽奏布置各情均悉欽此

再湖南倉卒募勇已得四萬餘人而賊勢之多殊駭

聽聞湘若不支鄂必受害蓋賊之志在上游繞江西
浙閩以出粵東其蓄謀亦已深矣湘省士氣自塔齊
布等倡率勇敢尚可臨時召募鄂中地勢較湘爲空
闊風氣勁悍不如湘南萬一有警倉卒添募非素節
制之師又苦餉糈之竭湖北地方秋冬以後馬隊尙
可馳騁地勢與湖南稍異且馬隊之餉一兼步軍之
二而馬隊之力一可抵步軍之五兵強而餉省計無
善於此者臣等前次預奏黑龍江西丹千名荷蒙
恩允計算程途捐馬挑兵須冬令方能到鄂應由
臣分別咨催趕緊起程因思天津防所黑龍江甲兵

內如防務平靜不須多兵可否暫行借撥黑龍江甲
兵千名俟得 旨俞允 臣遣員攜帶餉銀於信陽

一帶迎提到鄂庶幾戒備不虞震懾 天威免致

侵軼惟是近畿防堵關係緊要 臣等未敢擅請可否

仰懇 皇上天恩飭下天津軍營察看緩急酌量

施行伏乞 聖恩鑒察

謹案此片奉有

諭旨交 欽差大臣親王僧格林沁辦理

上諭前據官文等奏請撥黑龍江西丹一千名赴楚助剿
并派協領巴揚阿裏帶軍裝銀兩前往調取當經諭令

該將軍照數挑選候調嗣據弈山等奏已將西丹一千名挑選齊備俟巴揚阿到後即可將此項西丹帶往湖北軍營所有天津馬隊即可毋庸調撥以免周折至該大臣等請撥黑龍江馬二千匹亦經諭令該將軍照數湊足統交該協領帶往矣將此諭命知之 五月十三日

同督部奉

派員統帶重兵往援湖南疏 五月二十三督發

竊查逆首石達開裹脅安徽江西浙閩兩粵之賊竄擾湖南號稱數十萬欲由寶慶常德荆宜各路擄掠入川自立一幟蓄謀已久臣前已將通籌大局情形

詳細瀝陳恭摺 奏聞在案惟軍情賊勢瞬息千變
速尙易圖久則難料自應併兩楚之力先除西南之
患庶可專力東征無瞻前顧後之虞先經臣調撥馬
隊二百名陸師各軍共計一千五百餘員名並調派
總兵王明山陳金鼐知府蕭翰慶副將孫昌凱水師
四營礮船共一百餘號往援湖南近因賊匪聚集寶
慶該府地方爲資水之上游可以直達洞庭常德西
出辰州爲沅水之上游亦可以入洞庭由澧州又可
達荆江是資沅二水爲江湖緊要關鍵當亟續調安
慶水師中營游擊會紹霖水師前營副將劉國斌共

礮船九十餘號分撥常德辰州及臨資口一帶以重
沅資之防兼飭遊擊左光培水師礮船二十八號及
已革總兵李續燾所募新勇五百名馳往荊州虎渡
口以重澧州之防猶恐陸路兵力較單再飭新授荆
宜施道李續宜揀選撫湘各軍五千三百七十餘員
名並餘丁長夫四千名裹帶口糧軍火前赴湖南督
率陸路各營從益陽安化一路進兵前達寶慶兼可
以備常澧一路之警已於五月二十二日由黃州武
昌取道前發以期會合湖南大營併力剿辦迅奏膚
功並準南撫臣駱秉章函商以南省將士雖多事權

不一而新募各軍半係李續賓舊部擬請將道員李續宜派往寶慶暫行統領各軍以期大局有裨等情是與臣等意見本相脗合當卽飛檄李續宜遵照辦理惟是湖北一省馬步水師各營旣以全力規畫皖江南北更復西顧荊州北防尙固而粵匪捻匪窺伺多端水師馬步各軍應接不暇茲以湖南異常緊急於萬難籌撥之中勉力抽調重兵以至大局挖肉補瘡移緩就急並非鄂力之果能有餘也統計派援湖南之水師陸營馬隊每月共用銀五萬兩以外均由臣等札飭湖北糧臺趕緊籌畫按期解送委派專員

前往支應毋庸湖南籌備並飛催山陝四川之接濟
迅卽解楚亦可先助湖南之不足其水陸戰事應歸
南撫臣就近迅急 奏報惟軍情幻變如有應行體
察情形酌量改調之處仍由臣等專札調遣緣湖北
水陸馬步各營將士經臣等訓練已久情意孚洽如
有緩急仍應由鄂省審察機宜則將士乃能用命也
所有續行調撥重兵援剿湖南並派大員統帶緣由
理合由五百里馳 奏再臣胡林翼於援軍起程赴
湘之後卽仍回黃州老營合併聲明

請緩徵廣濟縣咸豐八年分銀米疏 六月初八

竊查廣濟縣屬泰東永東靈東等三鄉道光二十八九等年大水潰隄靈東鄉內之石碑崗永東鄉內之汪家窪泰東鄉內之黃花窪各處田地或衝坍成河或沙壓五六尺不等難以翻挑亦未淤復歷年錢漕銀米均請緩徵咸豐七年皖省賊匪上犯被擾最重特請將該年地丁錢糧南米蘆課雜稅等項不計災分全予豁免荷蒙 俞允在案茲據前湖北藩司羅遵殿署糧儲道張曜孫詳稱先據廣濟縣知縣方大湜詳泰東等三鄉田地仍難翻挑淤復請將八年應徵錢漕南米仍請展緩該司道恐有捏飾情弊嚴

飭該管知府親詣查勘時因三河桐城失利上游防堵喫緊未能履勘又未便以未經勘定田畝彙入八年緩徵案內致滋枉緩茲據黃州府知府周炳鑑詳稱親歷各鄉細勘除稍有種植田地不計外實在衝壓未懇田地該業民等全無收穫所有咸豐八年錢糧銀一千八百六十九兩六分四釐漕米二百七十八石九斗三升二合五勺南米四百三十五石八斗六升五合六勺結由司道詳請 奏緩前來 臣等伏查廣濟縣泰東等三鄉水衝沙壓田地應徵八年銀米據該管府親歷查勘實係全無收穫現在太湖潛

山賊氛緊逼居民俱已遷徙無人開墾合無仰懇
天恩俯準將該年應徵地丁錢漕南米緩至九年
秋後啟徵以甦民困現在 奏銷屆限除於冊內計
綴外謹合詞恭摺具 奏

酌擬清查局辦理章程疏 六月二十日

竊照湖北省城設立總局將通省各州縣衛交代未
經結報者逐任逐款澈底清查以咸豐八年正月初
一日起限至八年年底完結報部續經臣等奏奉
諭旨展至九年十二月底止一律辦理完竣等因
欽此並於奏請起限摺內聲明清查章程俟辦有端

倪再行開單恭呈

御覽行局轉飭遵辦在案節

經總局司道往返行查先後飭調會齊核算而款目繁多展轉膠轕茲催據各屬造報款冊將次彙齊辦理稍有頭緒惟自道光二十八年清查之後至武漢克復已閱八年之久中間軍務迭興州縣失守十居六七各州縣衛經手倉庫正雜錢糧米穀有全行被劫者有應付兵差募勇堵剿未及報銷者有因災歉例得緩徵存畱驛站耗羨錢糧未及請領撥補所有廉俸役食祭祀等項銀兩經該州縣墊支墊發者又有軍需緊急將應徵錢糧先行墊解充餉尙未徵齊

民欠歸還者必須分別明定章程庶辦理有所依據
茲據總局司道議詳除未被兵燹完善之區不計外
其各州縣衛果係賊眾兵單力難抵禦因而失陷城
池倉庫被劫典守之牧令衛備業已陣亡殉難者俱
照例免賠若城池失陷守土之官並未殉難倉庫被
劫者仍援照江西浮梁縣成案立限追賠其調募兵
勇堵剿應付各省往返兵差挪動徵存銀米未及報
銷地方災歉例得緩徵因軍務孔殷道路梗塞不及
請領撥補墊發墊支廉俸役食等項應行補領暨墊
解錢糧接濟兵餉尙未徵齊民欠歸還者以上各項應

查明虧挪實在確情如係侵蝕入已立即詳揭請參
若因軍情急迫事出因公應請 恩施寬免治罪

立限追賠其墊發墊支例應請領款項準其劃抵似
此分晰辦理庶足以昭核實而示平允等情酌擬章
程詳請具 奏前來 臣等覆查款項重在清查追賠
期於有著湖北各州縣衛交代積至六七任十數任
未經結報其失守城池虧短正項情形既各不同查
辦自須區別身殉之員子孫或同時罹難或顛沛流
離其先任之缺或事隔數手或城池繼陷本員既故
案卷全燬若將本任及在別任動用之款勒令故員

後裔追賠深恐無力完繳終成無著轉致實在侵虧
入己之員遷延觀望至本員並未殉難有因軍務挪
移及墊解兵餉暨例應請領撥補之項均可按數勾
稽無從弊混該司道酌擬分別豁免追賠劃抵一經
明定章程準豁者葛籐既斷不致通案有稽應繳者
勒限追賠如有侵蝕隱捏浮冒等弊卽由臣等據實
嚴參從重定罪庶國帑均歸核實而清查亦可迅
速完竣矣除咨部查照外謹合詞恭摺具奏並開
具清單恭呈御覽伏乞皇上聖鑒飭部議
覆施行

一失陷城池倉庫被劫本員並未陣亡殉難均照江西浮梁縣劫失倉庫銀米成案一律著賠其追賠限期應照定例各案應賠銀數分年按限追繳

一失陷城池本員陣亡殉難任內經手倉庫錢糧米穀被賊劫失究與未曾殉難者不同擬請照倉庫猝遇盜賊而有損失免罪不賠例擬以不賠

一官員陣亡殉難任內如有辦理兵差暨團練動用各項銀兩入亡卷燬無可稽考擬請免其造報

一官員陣亡殉難如先在別缺另有動用各項銀兩本員既故歷年更久且有先任之缺復經失守

欽定大清會典事例 卷三百三十三 兵部 稽察 案卷全燬毫無稽考查軍興以來被難地方多有豁免錢糧被殉之員擬請比照一律豁免

一官員墊發墊支暨墊解錢糧漕南米石如與正項無虧所墊之項從緩議還外若有挪缺一切錢糧正雜款項準將應領各項及未請領撥補坐支本款儘數劃扣如有不敷卽將該員墊解民欠暫準作抵責成後任分限代徵解繳抵補設限滿徵不足數按照下餘欠數分立年限著落本員完繳倘遇蠲豁民欠亦照定例分年賠繳

請加廣湖北鄉試永遠中額疏 七月初二督發

竊昭咸豐八年七月二十六日奉

上諭官文奏

紳民歷年捐輸軍餉懇恩加廣鄉試中額一摺湖北省紳民捐資濟餉數及百萬實屬踴躍急公深堪嘉尙加恩著照所請準將湖北省文武鄉試永遠加廣中額各三名卽以本年戊午科并補行乙卯科爲始按數取中以昭激勸餘著照所議辦理該部知道欽此欽遵當卽恭錄行司欽遵在案

臣隨於戊午並補行乙卯文武鄉試遵照辦理在案各紳民以芻蕘之悃忱增科名之榮耀感誦

皇恩異口同聲

臣等伏念湖北連年軍務需餉浩繁多藉勸捐以資接濟

尙稱踴躍上年奏報九十八萬以九十萬請增永遠
鄉試中額三名其餘八萬兩有奇彙入下屆續捐辦
理今歲續經造報到司者綜計前款共銀三十萬二
千五百兩有奇與一省捐銀三十萬兩加文武鄉試
永遠定額各一名之部議相符現值秋闈伊邇據湖
北布政使莊受祺清查詳請具 奏前來合無仰懇

天恩以本屆已未

恩科爲始再續廣文武

永遠中額各一名以宏作育而樹風聲此次除再加
廣一名之外尙餘銀二千五百兩有奇仍歸入續捐
案內再請

鴻施臣等謹會同湖北學政臣俞奎

垣繕摺由驛馳

奏伏乞

皇上聖鑒訓示

敬陳湖北兵餉情形並舉賢自代疏

七月初八

竊臣

因三河警變於八年十二月由本籍馳入黃州

軍營整理創殘漸次完備九年正月首逆石達開竄犯湖南分兵援應水陸已逾萬人征皖之師暫遲進取非得已也近年兵事不患將士之不勇而患餉糈之不給部撥秦晉蜀三省月餉各五萬兩一年之計十不獲一在鄰省供應浩繁原難深責惟以鄂省十府一州之力供江皖一歲數百萬兩之軍需捉襟見肘不能爲民生稍畱餘地中心已切憂危以皖省地

勢而論援湘水陸回營三路分勦尙覺兵單以鄂省
餉糈而論則卽現在兵數猶形餉絀此湖北兵事餉
事之情形也竊籌餉乃巡撫之專責擇人爲理財之
要務立一法而人每緣法爲奸不如得一人而法可
因人以立臣本丁艱人員涖官臨民心竊未安金革
無辟義不容諉惟是臣之所慮者餉耳兵事之強弱
視餉之豐歉爲轉移竊見升任福建撫臣羅遵殿居
心正大事有條理官湖北十餘年吏治民情尤爲熟
悉卽如八年錢糧實力整頓合計通省額徵於奏
銷限內所欠不及一分實近三十年所未有兵燹凋

做之餘辦理實著成效合無仰懇

聖恩開

臣署

缺

簡命羅遵殿辦理巡撫印務責令籌度軍餉

管理糧臺事宜必能接濟不置使士馬有飽騰之效
該升撫治兵尙非所長鄂居七省之中石達開擾其
西陳玉成伺其東各擁羣賊十餘萬人或二三十萬
人既上下之兼防恐腹背之受敵臣惟有函商督臣
體察形勢覘賊所向隨機勦辦臣必不敢有所推諉
儻使西界無虞則荊州可固東征並力則皖江可清
異日軍務速蒞得以遵 旨補行終制而羅遵殿
之吏治切實可靠必能隨同督臣寅恭協和相助爲

理臣惟軍餉所關得人不易確有所知不敢緘默謹
據實憑陳以備聖明採納該撫現已迎摺北上
如蒙天恩俞允江楚兵餉大局富有裨益愚昧
之誠理合密摺由驛五百里馳奏伏乞皇上
聖鑒訓示施行

奏陳援寶官軍大勝疏 七月十五日督發

竊湖南賊勢鴟張聚圍寶郡先經臣等調派水師馬
隊馳往湘省援剿嗣復派留按察使銜荆宜施道李
續宜統領寶慶軍務其湘右之在下游征皖者亦經
調集五千餘人馳歸所部以收駕輕就熟之效業經

奏報在案兼旬以來該逆麇聚日眾長圍守禦益
堅而我軍聲援梗阻城守難支屢經臣等密飭帶兵
各員避實搗虛爲內外夾擊之計頃接李續宜來稟
六月二十四日率所部由藍田先後啟行二十五日
由釀溪馳抵高家衝臬司劉長佑營盤會商進剿審
察地勢並密令駐劄寶東各營連日出隊以分賊勢
二十六日逆眾包抄高家衝官營劉長佑李續宜各
率所部奮擊斃賊甚多二十八日李續宜拔營西渡
調副將劉培元率水師從水路進又密飭元左右貞中
等營隊伍分十餘枝扒山越嶺搜伏而進初抵匡家

嶺周親賊營自田家渡直至白田清水塘等處聯絡三十餘里環以長濠寬深三丈有餘濠上層設礮位濠外密釘竹木幾於無隙可乘是日午後李續宜令郭鵬程帶毅右營于高騰帶貞左營黃連升帶後前營二哨毛有銘帶右營二哨李光燦帶中營二哨各以六成隊捲旂息鼓從山背蛇行往剿令營務處金國琛等帶親兵馬隊策應行至中途適賊二千餘出撲凱右營經梁作楫率勇力堵金國琛等突出橫抄賊大敗潰我軍追逼賊壘壘中復出賊二千餘抗拒我軍奮勇直前立傷悍賊五十餘名眾賊皆亂敗逃

渡河擁斷浮橋溺水死者一千八九百名各營乘勝
焚毀賊壘賊卡共四十三處奪獲馬八十五匹旂械
無數二十九日該逆率眾數萬多設疑陣欲縋我軍
後路乘隙襲營李續宜令都司羅重世率福字營勇
駐田家渡與資東聲氣相通令游擊劉山清率喜字
營勇駐釀溪以防後路而密令中右營兩後哨及于
高勝等營勇丁捲旂出隊伏於後路山林又令副將
沈俊德等元右等營出西路橫截賊隊復派府經縣
丞毛有銘率湘右營並馬隊斜出而腰擊之又派副
將蕭慶衍等貞中等營防濠內之賊又派金國琛等

率湘中營及馬隊隨同李續宜前路迎剿布置甫定各路賊蜂擁圍撲我軍正伏並起該逆進退無路拚死抵拒李續宜遂令中路分營斜出橫擊令防濠各營奮撲賊壘縱火焚燬煙燄冲霄賊匪紛紛潰逃我軍齊力追殺賊屍遍野維時劉培元鄒漢章率水師轟擊田興恕復率勇從郡城北門渡河攔頭截剿敗匪悉過資東乃令各營收隊是日計踏燬賊之壘卡共二百餘處殺賊八千數百溺斃於河者約四五千生擒一千七百餘名內有僞軍略戴振聲等賊目四十八名解散擄脅五六千人奪獲僞印八十餘顆騾

馬三百餘匹旂械無算次日復搜捕餘匪淨盡資西
一律肅清長圍已解等情馳稟前來臣查該逆聚圍
寶郡踞險浚濠周長數十里阻我餉道抗我師行必
欲逞志寶郡據爲根本爲窺伺鄂蜀之計兇狡已極
仰賴 聖主威福將士謀勇並施連日大捷長圍
頓解實足以寒賊膽而快人心現在郡城內外兵勢
連絡除飛飭各軍乘勝兜剿一鼓殲除一面由撫臣
駱秉章查明在事出力人員並陣亡員弁分別籲懇
恩施外謹將寶慶援軍大捷郡城圍解情形繕
摺由六百里馳 奏

再準兵部轉準戶部咨開翼長多隆阿派領催阿達
布等出口購買戰馬五百匹又楚北委員劉得勝等
赴張家口買辦戰馬一千五百匹該省現無軍務未
便準其免稅應仍照向章辦理等因咨會前來查楚
北先後委員阿達布等出口購戰馬共二千匹前已
咨明楚軍攻剿皖匪戰馬疲乏亟須添補情形並非
本省添補營馬驛馬可比相應仰懇 聖恩俯準

飭部移行各處按數查驗免稅放行俾該委員迅速
管解歸楚馬隊得資攻剿感荷 鴻慈實無既極

謹附片具 奏

上諭官文胡林翼奏軍營購買馬匹請飭免稅等語湖北
委員出口購買戰馬二千匹係爲楚軍攻勦皖匪之用
著該部移行張家口等處各稅口按照該省咨文查驗
明確準其免稅放行毋令遲滯欽此

奏陳特參性情浮躁要挾委署知縣疏

七月二

十二日

竊維務農必先除莠牧馬恐其敗羣湖北吏治廢弛
經臣隨時整飭猶未盡善設有不肖州縣干進營私
必至濡染效尤官方益壞茲查有四川試用知縣李
游幕迴避改發湖北該員到省後卽具稟藩司

稱在川省有輪委一次尙未委署應以原到川省之日作爲到省日期與是年同班同月到省人員比較先後列冊候委等語經藩司查明游幕迴避人員遵照部章除去程限準其接算試用候補日期至在原省得有輪委經原省督撫咨明備案其如何委用應俟改發省分察看人才酌量原缺分別委署乃該員甫經到省預存躁進之心率敢具稟要挾委署實屬不安本分據前湖北藩司升任福建巡撫羅遵殿詳請 奏參前來 臣查李 在川輪委尙未委出準四川督 臣咨明湖北業經行司查照在案該員在蜀

以幕友捐官聲名甚劣惟事係隔省若待咨查劣蹟往返需時且恐不實不盡就其改發到鄂卽敢以川省曾有輪委自行具稟藩司列冊委署其性情浮躁要挾營謀已可概見該員於藩司詳參後卽呈請赴山東措資希圖規避似此躁進取巧之員未便稍事姑容相應請 旨將改發湖北試用知縣李革職以示懲儆而肅官方

上諭胡林翼奏特參性情浮躁要挾委署之知縣請旨革職一摺 李 著卽革職以示懲儆欽此

再試用知縣夏先煊安徽懷甯縣人由訓導報捐知

縣指發湖北咸豐八年五月初六日到省母丁氏迎

養來楚九年正月初七日病故經臣恭疏題報飭

令回籍守制去後旋據武昌府知府如山轉據該員

稟稱懷甯尙爲賊踞難以回籍暫在鄂省守制俟原

籍肅清卽行請咨回籍等情臣查懷甯縣係安慶府

附郭首邑逆匪久踞據稟難於回籍自係實在情形

楚省現辦防堵該員辦事謹飭堪以差遣又試用從

九品李維新江蘇武進縣人由監生於咸豐七年在

湖北荊州火葯局報捐不論雙單月選用從九品九

年正月在京遵籌餉例報捐分發指省湖北三月二

十日到省二十五日聞訃母劉氏於九年正月初五日在籍病故例應丁憂回籍守制臣查李維新年力正壯人亦謹飭堪以差遣據升任巡撫臣前布政使羅遵殿詳請 奏畱前來合無仰懇 天恩俯準將丁憂試用知縣夏先娘試用從九品李維新畱於軍營差遣一俟軍務告竣卽行分別飭令回籍守制除咨部暨各該員原籍外謹會同湖廣總督臣官文附片具 奏

硃批均照所請欽此

胡文忠公遺集卷三十三終

胡文忠公遺集卷三十四

長沙鄭敦謹

湘鄉曾國荃

編輯

楚軍征皖大勝攻拔石牌僞城疏

九年九月初

七日督發

竊臣等前因皖省賊勢日張籌議由楚北調派各軍分四路馳援情形奏報在案查皖屬石牌鎮地方與宿望潛太等縣毗連接壤爲入安慶要隘自上年官軍回援宿太後該逆復在該處修造堅城一座麕集逆眾意圖久拒阻我入皖之路與太湖城內之賊

互相援應兼通賊糧火葯等項是以屢攻太湖未能得手現籌進兵圖皖之計必先奪取石牌要隘方爲勝算遂密飭總兵鮑超嚴守太湖各營副都統多隆阿親統馬步兵勇於八月二十六日馳赴茶婆嶺駐紮連日察看地勢情形遙望石牌僞城牆高二丈餘上下均有礮眼週圍深濠三道外有木城六道椿籤密布甚爲堅固隨督隊於二十八日四更出隊銜枚疾走馳抵石牌派參將楊朝林雷正琯游擊趙旣發各帶所部由東面進攻都司周天祥守備李德謙陳天佑各帶所部由北門進攻參將穆正春帶領所部

由南門進攻多隆阿自率各營出其不意折毀木城
越濠扒城施放噴筒火箭該逆驚覺開礮轟擊我軍
正值攻城喫緊忽據探報潛山逆賊蜂擁而來卽派
吉林黑龍江馬隊二起飛馳截擊又據探報安慶之
賊分股來援亦派馬隊二起分馳迎剿兩路援賊均
皆敗退各營步隊攻城銳氣益奮一擁而進該逆仍
堅持抗拒鎗礮環施子如雨下各勇奮不顧身衝鋒
冒鎬前者傷亡後者繼進遂折毀礮眼而入時已辰
刻僞城以內火發賊眾大亂我軍痛殺其闔城逃竄
者亦經我軍迎頭截殺其計斃賊數千餘名生擒四

十七名內有廣西老賊頭目偽霍天燕石廷玉一名
奪獲大礮二十四尊擡鎗小鎗三百餘桿騾馬四十
餘匹旗幟刀矛無算此攻拔石牌偽城之實在情形
也盡殲醜類無一漏網實足以彰 天討而快人

心現在分撥大軍駐紮石牌卽乘機攻取太湖以使
分路進剿所有此次出力員弁兵勇可否由 臣核實
擇尤請獎出自 恩施以昭激勸所有攻克石牌
偽城斬馘無遺情形謹合詞恭摺馳 奏

上諭官文胡林翼奏楚軍援皖攻克石牌偽城一摺 著
官文等仍飭各軍乘此聲威克復太湖縣城節節進剿

以靖逆氛其在事出力員弁兵勇著官文等核實擇尤保奏以示獎勵欽此

請廣湖北各邑學額疏 十一月初二日督發

竊臣等前於咸豐八年七月內查明湖北紳民歷年捐餉銀九十八萬七千四百六十一兩零先以九十萬兩請加鄉試中額奏奉 上諭官文奏紳民歷

年捐輸軍餉懇恩加廣鄉試中額一摺加恩著照所請準將湖北省文武鄉試永遠加廣中額各三名卽以本年戊午科並補行乙卯科爲始按數取中以昭激勸等因欽此嗣於九年七月內又經臣等以續經

造冊到司者連前所餘八萬有奇綜計其銀三十萬二千五百餘兩再以三十萬兩請加中額奏奉

硃批該部速議具奏欽此旋準部議準再加文武鄉試永遠中額各一名連前共加文武鄉試定額四名自己未

恩科爲始尙餘銀二千五百兩零應歸入續捐案內併計核辦等因九年八月初九日具奏本日奉

旨依議欽此均經臣等行司欽遵辦理在案茲據湖北布政使莊受祺詳稱續據各州縣造冊到司及奉準外省移咨兌收湖北紳民各捐款又有銀九萬六千九百餘兩連前統計共銀一百二十

九萬九千六百三十九兩四錢四分九釐遵照奏定
章程一州一縣捐銀一萬兩加文武永遠學額各一
名捐銀二千兩加文武一次學額各一名除原任兩
廣總督葉名琛前來咨奏奉 上諭前後捐輸軍

餉銀二萬兩該督原籍湖北漢陽縣著加文武學額
各二名永爲定額欽此欽遵辦理外綜計各屬尙應
請加廣文武永遠學額其九十六名再應加一次文
武學額者共一百二十九名其所請加定額查每州
每縣並未過十名之限均請以欽奉 上諭之日

爲始學臣卽按數取進俾昭激勸除請加廣學額外

尚餘銀六萬一千六百三十九兩零應俟歸入續案
辦理所有現在查明各郡各邑捐款細案請廣文武
學額緣由相應分別開造清摺清冊詳請 奏咨等
情前來 臣等覆核無異除冊分送戶禮兵三部查核
外謹會同湖北學 臣俞奎垣合詞恭摺具 奏並繕
具各州縣紳民節年捐助軍餉各銀數清單敬呈

御覽伏乞

皇上聖鑒敕部核覆施行再外省

所收湖北紳民捐款間有錢穀折銀數目未經咨覆
明晰暫照減成例價叩數入冊捐數已逾萬兩之多
各州縣先請現廣學額一次容俟飭催補查造冊刊

日歸於續案請改永遠定額合併陳明謹 奏
硃批該部議奏單併發欽此

武昌府屬

一江夏縣各紳民捐輸共銀九萬七千七百二十
二兩八錢六分五釐以九萬兩請廣永遠文武學
額各九名又先以六千兩請廣一次文武學額各
三名餘銀歸於續案併計辦理又雲南迤西道彭
崧毓之子汝琮在湖北軍營捐錢一萬串又在湖
南礮局捐錢一萬四千串共錢二萬四千串俟查
明 奏案再行續報

一武昌縣各紳民捐輸共銀六萬七千二百五十六兩六錢六分以六萬兩請廣永遠文武學額各六名又先以六千兩請廣一次文武學額各三名餘銀俟歸於續案併計辦理

一咸甯縣各紳民捐輸共銀三萬四千八十三兩六錢七分三釐以三萬兩請廣永遠文武學額各三名又先以四千兩請廣一次文武學額各二名餘銀俟歸於續案併計辦理

一嘉魚縣各紳民捐輸共銀二萬五百五十五兩二分以二萬兩請廣永遠文武學額各二名餘銀

俟歸於續案併計辦理

一蒲圻縣各紳民捐輸共銀二萬七千五百五十八兩三錢七分五釐以二萬兩請廣永遠文武學額各二名又先以六千兩請廣一次文武學額各三名餘銀俟歸於續案併計辦理

一崇陽縣各紳民捐輸共銀一萬一千二百四十七兩五錢以一萬兩請廣永遠文武學額各一名餘銀俟歸於續案併計辦理

一通城縣各紳民捐輸共銀一萬三百六十九兩以一萬兩請廣永遠文武學額各一名餘銀俟歸

於續案併計辦理

一興國州各紳民捐輸共銀六萬五千四百四十二兩五錢七分五釐以六萬兩請廣永遠文武學額各六名又先以四千兩請廣一次文武學額各二名餘銀俟歸於續案併計辦理

一大冶縣各紳民捐輸共銀六萬八千二百五兩八錢以六萬兩請廣永遠文武學額各六名又先以八千兩請廣一次文武學額各四名餘銀俟歸於續案併計辦理

一通山縣各紳民捐輸共銀一萬四千七百六十

八兩二錢以二萬兩請廣永遠文武學額各一名
又先以四千兩請廣一次文武學額各二名餘銀
俟歸於續案併計辦理

漢陽府屬

一漢陽縣各紳民捐輸募銀五萬八百二十九兩
三錢五分內除葉名琛在廣東捐餉銀二萬已經
奉文加廣永遠文武學額各二名外現以三萬兩
再請廣永遠文武學額各三名餘銀俟歸於續案
併計辦理

一漢川縣各紳民捐輸共銀六千九百兩五錢四

分先以六千兩請廣一次文武學額各三名餘銀
俟歸併續案再行請廣

一黃陂縣各紳民捐輸共銀七千五百五十兩六
錢一分先以六千兩請廣一次文武學額各三名
餘銀俟歸併續案再行請廣

一孝感縣各紳民捐輸共銀二萬六千九百三十
七兩四錢以二萬兩請廣永遠文武學額各二名
又先以六千兩請廣一次文武學額各三名餘銀
俟歸於續案併計辦理

一沔陽州各紳民捐輸共銀五萬九千二百三兩

七錢五釐以五萬兩請廣永遠文武學額各五名
又先以八千兩請廣一次文武學額各四名餘銀
俟歸於續案并計辦理

黃州府屬

一黃岡縣各紳民捐輸共銀四萬九千七百六十
七兩九錢九分以四萬兩請廣永遠文武學額各
四名又先以八千兩請廣一次文武學額各四名
餘銀俟歸於續案并計辦理

一蘄水縣各紳民捐輸共銀二萬六千八百八十
八兩六錢以二萬兩請廣永遠文武學額各二名

又先以六千兩請廣一次文武學額各三名餘銀俟歸於續案併計辦理

一麻城縣各紳民捐輸共銀一萬八千七百八十九兩七錢七分以一萬兩請廣永遠文武學額各一名又先以八千兩請廣一次文武學額各四名餘銀俟歸於續案併計辦理

一黃安縣各紳民捐輸共銀三千七百八十四兩先以二千兩請廣一次文武學額各一名餘銀俟歸併續案再行請廣

一羅田縣各紳民捐輸共銀六百八十兩俟歸併

續案再行請廣

一蘄州各紳民捐輸共銀一萬七千三百五十三兩二錢七分以一萬兩請廣永遠文武學額各一名又先以六千兩請廣一次文武學額各三名餘銀俟歸於續案併計辦理

一廣濟縣各紳民捐輸共銀七千四百八十兩先以六千兩請廣一次文武學額各三名餘銀始歸併續案再行請廣

一黃梅縣各紳民捐輸共銀二萬四千一百九十九兩以二萬兩請廣永遠文武學額各二名又先

以四千兩請廣一次文武學額各二名餘銀俟歸
於續案併計辦理

安陸府屬

一鍾祥縣各紳民捐輸共銀一萬六千五百二十
七兩七錢以一萬兩請廣永遠文武學額各一名
又先以六千兩請廣一次文武學額各三名餘銀
俟歸於續案併計辦理

一京山縣各紳民捐輸共銀二萬四千六百二十
一兩四錢以二萬兩請廣永遠文武學額各二名
又先以四千兩請廣一次文武學額各二名餘銀

俟歸於續案併計辦理

一潛江縣各紳民捐輸共銀一萬三千四百八十四兩以一萬兩請廣永遠文武學額各一名又先以二千兩請廣一次文武學額各一名餘銀俟歸於續案併計辦理

一天門縣各紳民捐輸共銀三萬九千四百一十二兩三錢以三萬兩請廣永遠文武學額各三名又先以八千兩請廣一次文武學額各四名餘銀俟歸於續案併計辦理

德安府屬

一安陸縣各紳民捐輸共銀一萬一千四十兩八分以一萬兩請廣永遠文武學額各一名餘銀俟歸於續案併計辦理

一雲夢縣各紳民捐輸共銀九百五十二兩俟歸併續案再行請廣

一應城縣各紳民捐輸共銀二萬八千六百四十六兩五錢以二萬兩請廣永遠文武學額各二名又先以八千兩請廣一次文武學額各四名餘銀俟歸於續案併計辦理

一隨州各紳民捐輸共銀三萬六千七十三兩六

錢五分以三萬兩請廣永遠文武學額各三名又先以六千兩請廣一次文武學額各三名餘銀俟歸於續案併計辦理

一應山縣各紳民捐輸共銀二萬二千九百九十七兩五錢以二萬兩請廣永遠文武學額各二名又先以二千兩請廣一次文武學額各一名餘銀俟歸於續案併計辦理

荊州府屬

一江陵縣各紳民捐輸共銀六萬六千五百二十八兩一錢以六萬兩請廣永遠文武學額各六名

又先以六千兩請廣一次文武學額各三名餘銀俟歸於續案併計辦理

一公安縣各紳民捐輸共銀四千四百七十三兩六錢先以四千兩請廣一次文武學額各二名餘銀俟歸併續案再行請廣

一石首縣各紳民捐輸共銀四千八百七十五兩二錢先以四千兩請廣一次文武學額各二名餘銀俟歸併續案再行請廣

一監利縣各紳民捐輸共銀一萬八百兩四錢五分以一萬兩請廣永遠文武學額各一名餘銀俟

歸於續案併計辦理

一松滋縣各紳民捐輸共銀一萬八千二百九十六兩四錢以一萬兩請廣永遠文武學額各一名又先以八千兩請廣一次文武學額各四名餘銀俟歸於續案併計辦理

一枝江縣各紳民捐輸共銀六千一百九十兩先以六千兩請廣一次文武學額各三名餘銀俟歸併續案再行請廣

一宜都縣各紳民捐輸共銀一萬一千二百三十二兩以一萬兩請廣永遠文武學額各一名餘銀

俟歸於續案併計辦理

襄陽府屬

一襄陽縣各紳民捐輸共銀二萬二千五百三錢
以二萬兩請廣永遠文武學額各二名又先以二
千兩請廣一次文武學額各一名餘銀俟歸於續
案併計辦理

一棗陽縣各紳民捐輸共銀五千六百六十八兩
先以四千兩請廣一次文武學額各二名餘銀俟
歸併續案再行請廣

一宜城縣各紳民捐輸共銀四千六百三十七兩

先以四千兩請廣一次文武學額各二名餘銀俟歸併續案再行請廣

一南漳縣各紳民捐輸共銀一萬八千七百六十三兩二錢三分三釐以一萬兩請廣永遠文武學額各一名又先以八千兩請廣一次文武學額各四名餘銀俟歸於續案併計辦理

一均州各紳民捐輸共銀二千一百二十四兩先以二千兩請廣一次文武學額各一名餘銀俟歸併續案再行請廣

一光化縣各紳民捐輸共銀三萬二千一百六十

四兩四錢六分五釐以三萬兩請廣永遠文武學額各三名又先以二千兩請廣一次文武學額各一名餘銀俟歸於續案併計辦理

一穀城縣各紳民捐輸共銀一萬一千一百八十二兩二錢一分六釐以一萬兩請廣永遠文武學額各一名餘銀俟歸於續案併計辦理

鄖陽府屬

一鄖陽縣各紳民捐輸共銀八千五百八十九兩五錢五分五釐先以八千兩請廣一次文武學額各四名餘銀俟歸併續案再行請廣

一鄖西縣各紳民捐輸共銀三千四百二十九兩
二錢先以二千兩請廣一次文武學額各一名餘
銀俟歸併續案再行請廣

一房縣各紳民捐輸共銀二千七百九兩七錢先
以二千兩請廣一次文武學額各一名餘銀俟歸
併續案再行請廣

一竹山縣各紳民捐輸共銀四千二百九十六兩
先以四千兩請廣一次文武學額各二名餘銀俟
歸併續案再行請廣

一竹谿縣各紳民捐輸共銀一千八百一十七兩

七錢七分七釐俟歸併續案再行請廣

一保康縣各紳民捐輸共銀一百八十兩俟歸併續案再行請廣

一東湖縣各紳民捐輸共銀二萬七千一百九兩九錢七分以二萬兩請廣永遠文武學額各二名又先以六千兩請廣一次文武學額各三名餘銀俟歸於續案併計辦理

一歸州各紳民捐輸共銀二千二百二十兩先以二千兩請廣一次文武學額各一名餘銀俟歸併續案再行請廣

一興山縣各紳民捐輸共銀三千七百一十四兩
四錢先以二千兩請廣一次文武學額各一名餘
銀俟歸併續案再行請廣

一長陽縣各紳民捐輸共銀一萬一千一百二十
三兩二錢五分以一萬兩請廣永遠文武學額各
一名餘銀俟歸於續案併計辦理

一巴東縣各紳民捐輸共銀二千九百三十六兩
先以二千兩請廣一次文武學額各一名餘銀俟
歸併續案再行請廣

一鶴峯州各紳民捐輸共銀一千五百六十兩俟

歸併續案再行請廣

一長樂縣各紳民捐輸共銀二千八百二十八兩
先以二千兩請廣一次文武學額各一名餘銀俟
歸併續案再行請廣

施南府屬

一恩施縣各紳民捐輸共銀二萬四千四百五兩
二錢以二萬兩請廣永遠文武學額各二名又先
以四千兩請廣一次文武學額各二名餘銀俟歸
於續案併計辦理

一宣恩縣各紳民

共銀二千二百六十七兩

二錢先以二千兩請廣一次文武學額各一名餘銀俟歸併續案再行請廣

一咸豐縣各紳民捐輸共銀三千四十二兩先以二千兩請廣一次文武學額各一名餘銀俟歸併續案再行請廣

一來鳳縣各紳民捐輸共銀五千三百六十二兩四錢先以四千兩請廣一次文武學額各二名餘銀俟歸併續案再行請廣

一利川縣各紳民捐輸共銀九千三百四十七兩二錢先以八千兩請廣一次文武學額各四名餘

銀俟歸併續案再行請廣

一建始縣各紳民捐輸共銀二千二百八十八兩
先以二千兩請廣一次文武學額各一名餘銀俟
歸併續案再行請廣

荊門直隸州屬

一荊門直隸州各紳民捐輸共銀二萬九千九百
九十三兩以二萬兩請廣永遠文武學額各二名
又先以八千兩請廣一次文武學額各四名餘銀
俟歸併續案併計辦理

一當陽縣各紳民捐輸共銀一萬四千七百六十

三兩四錢以一萬兩請廣永遠文武學額各一名
又先以四千兩請廣一次文武學額各二名餘銀
俟歸併續案併計辦理

一遠安縣各紳民捐輸共銀五千三百九十五兩
二錢先以四千兩請廣一次文武學額各二名餘
銀俟歸併續案再行請廣

以上通省共計捐輸銀一百二十九萬九千六百
三十九兩四錢四分九釐內有漢陽縣原任兩廣
總督葉名琛捐餉銀二萬兩已經奉文加廣文武
永遠學額各二名現以九十六萬兩廣永遠文武

學額各九十六名又二十五萬八千兩先廣一次
文武學額各一百二十九名餘銀六萬一千六百
三十九兩四錢四分九釐俟歸續案併計辦理理
合登明

擬員請補知縣各缺疏

九月二十九日督發

竊查竹谿縣一缺臣等前以候補知縣汪銘請補部
臣以該員未準起復議駁查例載州縣應題缺出先
儘候補正途題補候補一班無論何項出身凡係應
歸候補者俱爲正途又軍營出力人員準該督撫酌
量補用各等語竹谿縣地界陝省山蹊路歧匪徒出

設邊疆要缺例應揀員題補茲查有候補知縣周世
榮年五十五歲江蘇吳江縣監生由從九品分發湖
南補長沙府司獄咸豐元年因迴避對調湖北漢陽
府司獄三年因案革職四年軍營出力開復原官五
年十月克復德安府城案內保奏奉

上諭免補

本班以府經歷縣丞遇缺卽補並賞給六品銜等因
欽此六年十一月克復漢陽府城案內保奏十二月
二十五日奉

上諭免補本班以知縣不論繁簡

遇缺前先用欽此該員明練安詳以之請補竹谿縣
知縣洵可勝任候補班雖有名次在先之員例得酌

量補用惟此缺係原任賀聚改補歸咸豐二年十月
分截缺該員奉 旨 在後與例稍有不符又通城

縣因原任袁奉仁病故歸入年二月分截缺 臣等以

候補知縣吳林請補部 臣以該員並未引 見議

駁查知縣病故缺出定例候補卽用一人大挑一人

輪補 臣等前以吳林請補因通城尙警鄰氛不入輪

序其前出之遠安縣病故缺已請補大挑一人後出

之建始縣病故缺已請補候補一人俱未奉到部覆

而另案輪序已定礙難循序排入應仍以軍功班酌

用查候補知縣羅登瀛年五十三歲湖南益陽縣人

道光癸卯科舉人大挑二等五年選授安福縣教諭

七年經

臣

於克復武漢彙保三月初五日奉

上

諭開缺以知縣畱於湖北補用並賞加同知銜欽此
九年六月彙保牙釐出力奉

上諭補缺後以知

州補用欽此該員精明深穩以之請補通城縣缺洵

可勝任惟後出之缺已先請補候補之員與例稍有

不符又鄖西縣缺本任葛致遠丁憂出缺

臣

等前以

補用知縣文南邦請補部

臣

以未經引

見議駁

查例載知縣丁憂出缺辦理軍務出力欽奉

特

旨先儘補用人員準該督撫叩畱題補等語該縣地

曠民刁動輒滋事必得樸實練達之員以教化爲治理方可漸摩觀感以挽頽風照例先儘班次員數較少請於軍功中揀員擬補查有候補知縣沈兆元年三十六歲江蘇青浦縣監生由候選未入流在湖北軍營出力咸豐六年克復漢陽府城案內十二月二十五日奉 上諭免選本班以府經歷縣丞畱於湖北儘先補用並賞加六品銜等因欽此八年克復九江奉 上諭免補本班以知縣用欽此該員通達政體以之請補鄖西縣缺洵可勝任又江陵縣係衝繁疲難兼四調缺原補之周樂八年十二月捐升

開缺查例載州縣應調缺出俱令於現任人員內揀
選調補等語江陵本著名繁缺錢漕積弊隄防重務
極爲緊要臣等於通省實缺人員中逐加揀選查有
崇陽縣知縣蔣照江蘇舉人由軍功保舉奏補崇陽
縣知縣咸豐九年正月二十六日到任該員任內並
無降罰處分以之請調江陵縣兼四要缺洵足勝任
惟歷俸未滿三年與例稍有未符又襄陽縣係繁疲
難兼三要缺原補之裘紹箕因案革職查例載州縣
應調缺出如無合例堪調之員準以候補人員題補
等語該縣爲豫楚門戶北路咽喉民俗强悍人心浮

動襄匪滋事以後時有訛傳撫綏巡防尤爲緊要通
省人員中或本缺不能更易或才具未能裕如實無
可調之員茲查有候補知縣沈清鑑年四十三歲江
蘇元和縣監生由捐輸議敘從九品分發湖北道光
二十七年咨署宜城縣田家集巡檢咸豐六年籌辦
襄鄖團練勦賊出力案内保奏七年閏五月二十五
日奉 上諭開缺以縣丞儘先補用八年克復江
西九江府城出力保奏六月十九日奉 上諭免
補本班以知縣仍畱湖北遇缺卽補欽此該員廉明
勤幹以之請補襄陽縣繁缺洵足勝任雖有名次在

前之員例得酌量補用以上竹谿通城鄖西江陵襄陽五缺請補之員有與例不符者分別聲明據藩司莊受祺署臬司文輝會詳前來臣等函商酌核員缺均屬相宜惟迭經部臣聲明不得以不合例之員紛紛瀆請而臣等仍不敢以拘牽而滋貽誤誠以兵事與吏治互相維繫補缺有一定之例而兵燹之餘自應因時變通合無仰懇

聖恩俯準將竹谿縣知

縣以候補知縣周世棨補授通城縣知縣以候補知縣羅登瀛補授鄖西縣知縣以候補知縣沈兆元補授江陵縣知縣以崇陽縣知縣蔣照調補襄陽縣知

縣以候補知縣沈清鑒補授實於地方有裨臣等爲
軍務省分員缺需人起見謹合詞恭摺具奏

孫批吏部議奏欽此

揀員升補知州要缺疏 九月二十九日督發

查例載直隸州在外題補之缺令各該督撫於本省
知州知縣內擇其才守素著明敏練達者保題升用
及光祿寺卿宋晉條奏內閣局務人員外官知府以
下候補人員班次無可再加候補原班後再以應升
之缺升用又州縣應調缺出俱令於現任人員內揀
選調補如無合例堪調之員準以候補人員題補如

候補無人準於應升人員內揀選題升又候補有人或因人地未宜以應升應調人員升調必須詳細聲明專摺具奏各等語湖北荊門直隸州知州李棟咸豐三年九月初十日陣亡遺缺前以候補同知直隸州林之華奏補兩次奉部議駁仍令另揀請補查該州地方本係衝繁疲難最要之缺實爲荊襄門戶幅員遼闊政務殷繁軍興以來巡防撫綏更關緊要非熟悉情形明練幹達之員斷難勝茲繁劇茲查有監利縣知縣牟嗣龍年四十三歲江蘇武進縣監生由部選東湖縣南沱巡檢咸豐二年五月初十日到任

辦理宜昌鹽課團練保升府經歷六年籌辦軍需案內奉 旨著免補本班以知縣仍畱湖北補用復

因辦理荆宜鹽課接濟軍餉出力七年正月初八日奉 上諭免補本班以同知直隸州知州儘先補用欽此部議應俟補本班後以同知直隸州儘先補用九年準補監利縣知縣已飭到任該員守潔才優以之升補荆門直隸州知州洵屬人地相宜該員已補知縣本班請升直隸州與例相合惟出缺在先奉 旨應升在後與例不符現在實無可升之員懸缺至六年之久應照例聲明具奏又隨州知州向先

薰咸豐九年七月二十一日丁憂具

題開缺有

本日可計照例以本日作爲開缺日期該州係繁疲
難要缺臣等在於通省知州內逐加遴選均歷俸未
滿且人地不宜實無合例堪調之員查有知州銜漢
陽縣知縣馬晉圖年五十八歲正黃旂漢軍源慶佐
領下人由部選房縣知縣道光二十三年閏七月任
事二十九年調補鍾祥縣兼三繁缺咸豐五年六月
於巡防出力經臣官文等保奏奉 上諭著賞加

知州銜欽此七年補行 大計卓異八年調補漢陽
縣兼四最要之缺七月十五日到任該員老成練達

以之升補隨州知州洵屬人地相宜雖漢陽縣歷俸未滿三年而該員本係鍾祥繁缺知縣已經俸滿大計卓異例應候升候補雖有台例之員人地均不相宜應照例聲明具奏據藩臬兩司具詳前來查卹嗣龍馬晉圖操守才具均爲臣等所深信卹嗣龍準補監利雖甫經到任就其歷年辦理鹽課所有抽收數目均經臣官文奏報有數可稽具見實心任事力濟時艱且在楚年久洞悉民情力勝繁劇馬晉圖現任漢陽距省城僅隔一江逐日接見其政績官聲見聞尤確合無仰懇 天恩俯準將荆門直隸州一

缺以應升同知直隸州牟嗣龍升補隨州一缺以漢陽縣知縣馬晉圖升補各該員等均無降革處分如蒙 俞允俟軍務告竣給咨赴部引 見所遺

漢陽監利各缺係題調要缺容再遴員請補合併聲明所有揀員升補直隸州知州府屬知州各緣由謹合詞恭摺具 奏

硃批吏部議奏欽此

胡文忠公遺集卷三十四終

